

醫燈續焰卷十八

補遺

錢塘後學潘

暉頌甫補

同邑社盟王佑賢聖翼評

門人

陳湍杲中旋

校

馮子異西平

正文病類多矣。考之方書尚缺多種。屬常見之疾。何可竟無方治。今補入。

曹雜

嘈雜一證。有火。有痰。有飲。有虫。雖云多種。而源則不離乎脾胃。膏粱之人。每多患此。其發也。如饑之欲食。甚則煩渴。雜亂。與吞酸。吐酸。乾嘔。胃痛等疾。皆為噎膈反胃之漸。宜三聖丸。越鞠丸之類。治者二陳加梔連。挾飲者平溪導飲丸。挾虫者烏梅酒煮黃連丸之類。

附方

三聖丸 治嘈雜神効

白朮 四兩

橘紅 一兩

黃連 炒五錢

右爲細末。神麴糊丸。如菉豆大。每服七八十丸。
食遠津唾下。薑湯亦得。

越鞠丸

見第四十一

二陳湯

見第十六

丹溪導飲丸

治水飲嘈雜

吳茱萸

三錢

白茯苓

一兩

黃芩

五錢

蒼朮

炒一兩

獨活

七錢

右爲細末。神麴糊丸服。

烏梅圓

見第六十三

酒煮黃連丸

見第五十五

吞酸吐酸

吞酸與吐酸大同小異。吞酸酸在胸胃。忽作忽止。蜚胃刺心。吐酸酸水酸物。隨吐而出。味如醃醋。蜚喉輒齒。是皆形寒胃冷。食鬱飲停。穀氣不分。中焦鬱會。正猶釀酒不發。過時而成酸味也。吞吐之所以異者。吞則胃中飲少。吐則胃中飲多耳。間有屬

火者。乃熱不得散。屬木者。乃氣不得伸。火不散者。發之。木不伸者。達之。故統宜溫中散寒。令鬱滯開。而病自愈矣。宜發明藿香安胃散加減二陳湯三因鞠朮丸二陳加朮連神麴蒼朮方酒煮黃連丸

附方

藿香安胃散

見第二十

加減二陳湯 治痰飲爲患。嘔吐。頭眩。心悸。或因食生冷。脾胃不和。吞酸吐酸等證。

丁香一兩

半夏

陳皮各五兩

茯苓三兩

甘草一兩半

右咬咀。每服四錢。水煎。入生薑三片煎服。

三因麴朮丸 治中脘宿食留飲。酸蜚心痛。口吐

清水。

神麴炒三兩

蒼朮泔浸三宿洗淨日乾炒一兩半

右爲末。生薑汁別煮神麴糊爲丸。薑湯送下。

二陳加茱連神麴蒼朮方

陳皮

錢一

白茯苓

錢一

蒼朮

炒一錢二分

黃連

吳茱萸汁煮炒一錢

神麴

炒一錢

水二鍾。生薑一片。煎八分服。

酒煮黃連丸

見第五十五

噎膈

噎者。食入不利。或握塞而下。或負痛。或納。其病在
喉。膈者。食雖入膈。或氣逆。或滿悶。或隱痛。或得噎
少寬。或得吐反快。其病在膈。二疾多並見。噎者必

膈。膈者必噎也。卽翻胃之先驅。積鬱沉憂。氣結不散。久久成此。張雞峰方論曰。此病不在外。不在內。不屬冷。不屬熱。不是實。不是虛。所以難取効。多緣憂思恚怒。動氣傷神。氣積於內。動則諸證具。氣靜疾平。手捫之而不得疾之所在。目視之而不知色之所因。耳聽之而不知音之所發。故鍼灸藥石。皆不獲効。乃神意間病也。旨哉言乎。

宜生薑半夏湯香砂寬中

湯五膈寬中散穀神嘉禾散統旨補氣運脾湯代抵當丸之類選用

附方

生薑半夏湯 止嘔吐。開胃消食。

半夏

生薑

各三錢

右咬咀水二盞煎七分服

統旨香砂寬中湯 治氣滯。胸痞噎塞。或胃寒作

痛。

木香

臨服時磨水入藥三四匙

白朮

炒

陳皮

香附

各一錢五分

白豆蔻

去殼

砂仁去殼

青皮

檳榔

半夏麴

白茯苓各一錢

厚朴薑製一錢二分

甘艸三分

水二鍾。薑三片。煎八分。入蜜一匙。食前服。

和劑五膈寬中散 治七情四氣傷于脾胃。以

陰陽不和。胸膈痞滿。停痰氣逆。遂成五膈。并治

一切冷氣。

白豆蔻去皮二兩

甘艸五兩

木香三兩

厚朴

去皮薑汁炒一斤

縮砂仁

去殼

丁香

青皮

去白

陳皮

去白各四兩

香附子

炒去毛十六兩

右爲細末。每服二錢。薑三片。鹽少許。不拘時。沸

湯點服。

和劑穀神嘉禾散 治脾胃不和。胸膈痞悶。氣逆

生痰。不進飲食。或五噎五隔。

白茯苓

去皮

縮砂仁

去皮

薏苡仁

炒

枇杷葉

去毛薑汁炙香

人參

去蘆各一兩

白朮

炒二兩

桑白皮炒

檳榔炒

白豆寇皮去

青皮去白

穀蘖炒

五味子炒各半兩

沉香

杜仲去皮薑汁酒塗炙

丁香

藿香

隨風子

石斛酒和炒

半夏薑汁搗和作餅炙黃色

大腹子炒

木香各七錢半

甘艸炙二兩

陳皮去白

神麴炒各二錢半

每服三錢。水一盞。薑三片。棗二枚。煎七分。不拘

時溫服。五噎入乾柿一枚。膈氣吐逆入礮白三寸。棗五枚。

統旨補氣運脾湯 治中氣不運。噎塞。

人參

錢二

白朮

錢三

橘紅

茯苓

各一錢五分

黃耆

蜜炙一錢

砂仁

去皮八分

甘艸

四分

有痰加半夏麴

錢一

水二鍾。薑一片。棗一枚。煎八分。食遠服。

代抵當丸

治瘀血噎膈。食下疼痛。

方見第二十

自汗

自汗者。不因勞動。不因天暑。不因熱飲食。時時汗自出。故曰自汗也。乃衛氣虛而不能固密。心液因之漏泄。宜當歸補血湯倍黃耆玉屏風散保元湯黃耆建中湯之類若表中風邪者。亦能令衛腠空疎。而汗時自出。此邪去則汗

止。宜桂枝湯

附方

當歸補血湯

見第十六

得効玉屏風散 治自汗。

防風

黃耆 各一兩

白朮 炒二兩

每服三錢。水二盞。薑三片。煎六分。不拘時溫服。

保元湯 治自汗無休止。

黃耆

蜜炙三錢

人參

二錢

甘草

炙一錢

水二盞。煎七分。溫服。

黃耆建中湯 見第三十三

桂枝湯 見第十九

盜汗

解盜汗之因
金剛語

盜汗者。睡中偷出。多發於夜。如盜之乘人不覺而
夜出也。屬陰虛。蓋人之衛氣。晝行於陽。出外。夜行
于陰。入內。入內則內熱。內熱則不足之陰受其蒸。
入內則表虛。表虛則蒸泄之液無從固。於是陰失
其守。陽失其衛。而汗淋漓于睡夢間者有矣。
宜當歸六

黃湯大建
中湯之類

附方

當歸六黃湯 治盜汗久不愈。面白黃。肌瘦。或夜

熱骨蒸。飲食減少。四肢無力。足膝酸疼。發無虛

夜。服此神効。

當歸

生地黃

熟地黃

黃檗

黃芩

黃連

各一錢

黃耆

二錢

右作一服。水二鍾。煎一鍾。臨卧服。

大建中湯

治虛熱盜汗。百節酸疼。肢體倦怠。日